




XUNTA DE GALICIA

CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica

galicia



XULIO RÍOS PAREDES
ASOCIACIÓN FONDO GALEGO DE COOPERACION E SOLIDARIEDADE
RÚA VARSOVIA 4C, 6º (ÁREA CENTRAL)
SANTIAGO DE COMPOSTELA (A CORUÑA)

Asunto: Resolución de inscripción de modificación de estatutos da **ASOCIACIÓN FONDO GALEGO DE COOPERACION E SOLIDARIEDADE**

Examinado o expediente de solicitude de inscripción da modificación dos estatutos da **ASOCIACIÓN FONDO GALEGO DE COOPERACION E SOLIDARIEDADE**, inscrita co **núm. 2004/007565-1** neste Rexistro Central de Asociacións, e tendo en conta os seguintes

FEITOS:

Primeiro. Con data 27-09-2011 recibíuse a solicitude presentada por XULIO RÍOS PAREDES, secretario da asociación, para a inscripción da modificación dos estatutos, aprobados por acordo da Asemblea Xeral en data 10-12-2010, segundo consta na certificación que acompañan á solicitude.

Segundo. Os estatutos presentados, que substitúen aos anteriormente inscritos, conteñen os requisitos esixidos na normativa vixente.

CONSIDERACIÓNS LEGAIS

Primeiro. Esta Secretaría Xeral Técnica é competente para resolver a inscripción solicitada, en virtude do previsto no Decreto 336/1996, do 13 de setembro sobre asunción de funcións e servizos, pola Comunidade Autónoma de Galicia, en materia de asociacións, Decreto 276/1997, do 25 de setembro, polo que se crea o Rexistro central de Asociacións e se regula a organización e funcionamento dos rexistros de asociacións da Comunidade Autónoma de Galicia, e Decreto 303/2009, de 21 de maio, polo que se establece a estrutura orgánica da Consellería de Presidencia, Administracións Públicas e Xustiza.

Segundo. A Lei orgánica 1/2002, do 22 de marzo, reguladora do dereito de asociación, establece no artigo 28 que deben inscribirse correspondente rexistro as modificacións dos estatutos, e o Real decreto 1497/2003, do 28 de novembro, polo que se aproba o Regulamento do rexistro nacional de asociacións e das súas relacións cos restantes rexistros de asociacións, regula no artigo 10 a documentación que debe presentarse para a inscripción da modificación dos estatutos.

Terceiro. Analizada a documentación que consta no expediente, considérase que cumpre os requisitos establecidos na normativa vixente para a súa inscripción no Rexistro de asociacións desta Comunidade Autónoma

Vistos os preceptos legais citados e demais normas de xeral aplicación, PROPOÑO:

Visar os estatutos modificados e ordenar a súa inscripción no Rexistro de Asociacións, para os efectos de publicidade previstos no artigo 22 da Constitución.

Contra a presente resolución, que non esgota a vía administrativa, poderá interpoñer recurso de alzada ante o Conselleiro de Presidencia, Administracións Públicas e Xustiza, no prazo de un mes, de acordo co disposto na Lei 30/1992, do 26 de novembro de Réxime Xurídico das Administracións Públicas e Procedemento Administrativo Común.



A xefa do Servizo de Entidades Xurídicas e Corporativas

M^a Amadora Rodríguez Carreira

Vº e prace

A sub. xeral de Réxime Xurídico, A. e de Recursos Humanos

Natalia Prieto Viso

RESOLVO de conformidade coa proposta que antecede

Santiago de Compostela, 06 de outubro de 2011

A secretaria xeral técnica

Beatriz Cuiña Barja



Estatutos do Fondo Galego de Cooperación e Solidariedade
(segundo a modificación aprobada en Asemblea Xeral Extraordinaria o 10 de decembro de 2010)

Capítulo Primeiro: da Asociación en xeral

Artigo 1º

Coa denominación "Fondo Galego de Cooperación e Solidariedade" constitúese unha asociación sen ánimo de lucro, con personalidade xurídica propia e independente, plena capacidade xurídica e de obrar.


A Asociación rexerase polos presentes estatutos, polos regulamentos de réxime interior que se diten, pola Lei Orgánica 1/2002, del 22 de marzo, reguladora do Dereito de Asociación e pola demais lexislación existente en materia de asociacións que lle sexa aplicable.

Artigo 2º

O obxecto fundamental desta Asociación consiste en configurar un instrumento legal que permita a confluencia e a asociación das vontades libremente expresadas polos seus asociados para desenvolver unha eficaz política de cooperación e de solidariedade dos/as cidadáns dos concellos e provincias de Galicia cos pobos subdesenvolvidos.

En concreto, son finalidades desta Asociación, as seguintes:

- a) Contribuír desde o ámbito galego ó desenvolvemento dos países do Terceiro Mundo mediante a constitución, administración e xestión dun fondo económico que se constituirá a partir das achegas das entidades asociadas e outras achegas que puidera recibir.
- b) A promoción, financiamento e xestión de proxectos e programas de desenvolvemento económico e social e/ou de sensibilización.
- c) Posibilitar unha maior participación das entidades locais nas políticas de cooperación e de solidariedade potenciando a coordinación das mesmas.
- d) Asesorar ás entidades locais en materia de cooperación ó desenvolvemento e de relacións internacionais.
- e) Impulsar a participación da opinión pública e da cidadanía co obxecto de favorecer unha maior comprensión da realidade dos países do Sur, da necesidade dun compromiso ético na loita contra as desigualdades e a prol do establecemento dunha nova orde económica internacional que erradique a pobreza da face do



Estatutos do Fondo Galego de Cooperación e Solidariedade


(segundo a modificación aprobada en Asemblea Xeral Extraordinaria o 10 de decembro de 2010)

- f) Apoiar e xestionar no seu caso, proxectos e programas que promovan un desenvolvemento sostible nos países en vías de desenvolvemento, con criterios de igualdade, de mutua colaboración e respecto ás culturas e ás identidades propias de cada comunidade.
- g) Fomentar as relacións e a colaboración das entidades locais coas ONGs, colectivos de solidariedade e outras institucións ou organismos que compartan idénticos fins, promovendo un intercambio permanente de experiencias.
- h) Procurar que progresivamente todas as institucións públicas e privadas que formalicen o seu compromiso con políticas de cooperación ó desenvolvemento destinen un mínimo do 0.7% dos seus respectivos presupostos para este fin.
- i) Crear un Centro de documentación, información e formación que fundamente e proporcione a debida coherencia ás políticas de sensibilización e de cooperación a impulsar dende esta Asociación, fomentando o estudo e a investigación en materia de cooperación para o desenvolvemento.
- k) Orientar as políticas de formación de persoal, de capacitación e de profesionalización desde a perspectiva da cooperación descentralizada.
- l) Realizar calquera outro obxectivo compatible coas finalidades do Fondo e non sexa contrario á normativa legal vixente en cada momento.

Artigo 3º

Para o cumprimento dos seus obxectivos e fins descritos no artigo anterior, a Asociación realizará as seguintes actividades:

- a) Organización de actividades de sensibilización social en materia de cooperación ao desenvolvemento.
- b) Deseño, programación e realización de actividades de formación en materia de cooperación ao desenvolvemento dirixidas a funcionarios da administración local e provincial.
- c) Identificación de proxectos de cooperación ao desenvolvemento.
- d) Xestión de proxectos e programas de cooperación ao desenvolvemento.
- e) Seguimento da execución e avaliación dos proxectos e programas de cooperación ao desenvolvemento.
- f) Coordinación das actividades do Fondo Galego coas realizadas por outros Fondos



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

existentes no Estado.

g) Labores de representación da cooperación municipalista de Galicia ante todo tipo de instancias e institucións.

h) Impulso da coordinación coas organizacións non gobernamentais de cooperación.

i) Planificación e realización de misións municipalistas a países do Sur onde o Fondo Galego executa proxectos de cooperación ao desenvolvemento.

j) Realización de publicacións e outras iniciativas informativas sobre as actividades do Fondo Galego.

k) Impulso dos irmandamentos entre concellos con base nas actividades de cooperación ao desenvolvemento.

l) Organización e mantemento dunha rede municipalista solidaria integrada por funcionarios das corporacións locais galegas.

m) Impulso de iniciativas específicas de cooperación relacionadas con aqueles países de maior presenza inmigratoria en Galicia.

Artigo 4º

A Asociación fixa o seu domicilio social en Santiago de Compostela, Rúa Varsovia, 4C 6ª planta -Area Central-. Poderá ser modificado por acordo da Comisión Executiva. Se o novo domicilio social implica cambio de termino municipal a decisión deberá ser ratificada pola Asemblea Xeral. A Asociación, para o desenvolvemento dos seus fins, pode crear establecementos e dependencias noutras localidades, inclusive no estranxeiro, cando así o decida a Asemblea Xeral.

Artigo 5º

O ámbito territorial de actuación do Fondo Galego de Cooperación e Solidariedade comprende o conxunto da Comunidade Autónoma Galega, podendo confederarse ou establecer acordos de colaboración puntual con entidades que compartan obxectivos afíns tanto de ámbito estatal, europeo ou mundial.

Artigo 6º



Estatutos do Fondo Galego de Cooperación e Solidariedade
(segundo a modificación aprobada en Asemblea Xeral Extraordinaria o 10 de decembro de 2010)

O Fondo Galego de Cooperación e Solidariedade constitúese por tempo indefinido.

Capítulo Segundo: dos órganos de goberno e administración

Artigo 7º

Os órganos da Asociación son:

- a) Asemblea xeral de socios.
- b) Comisión Executiva.

Da Asemblea xeral

Artigo 8º

A Asemblea xeral é o órgano supremo do Fondo Galego de Cooperación e Solidariedade e estará constituída por todos os seus socios. Poderá ser de carácter ordinario ou extraordinario.

Artigo 9º

A Asemblea xeral ordinaria reunirase como mínimo unha vez ó ano e dentro do cuarto trimestre ou primeiro do seguinte. A Asemblea xeral extraordinaria celebrase cando as circunstancias o aconsellen a xuízo do Presidente, da Comisión Executiva, ou cando o propoña por escrito o 25% dos asociados con indicación expresa dos asuntos a tratar. Neste caso a Comisión Executiva está obrigada a atender esa convocatoria nos quince días seguintes a terse formalizado a petición en regra.

Artigo 10º

Son competencia da Asemblea ordinaria de socios:

- a) Ratificar as altas e as baixas dos membros da Asociación.



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

- b) Aprobar a memoria que presente a Comisión Executiva, as actas que proceda e o balance económico da entidade.
- c) Aprobar o presuposto para o seguinte exercicio.
- d) Fixar ou modificar as cotas de pertenza á Asociación.
- e) Pronunciarse sobre os proxectos e programas de cooperación e/ou sensibilización presentados pola Comisión Executiva.
- f) Elixir os cargos da Comisión Executiva para un mandato de catro anos e controlar a súa xestión.
- g) Aprobar as resolucións que pola súa importancia afecten ós intereses da Asociación.
- h) Decidir sobre a permanencia ou afiliación a estruturas de carácter federal ou confederal.
- i) Pronunciarse sobre calquera asunto suscitado pola Comisión Executiva ou un 25% dos socios.
- k) Velar polo cumprimento dos fins da Asociación.

Artigo 11º

Son competencias da Asemblea xeral extraordinaria:

- a) As modificacións estatutarias.
- b) A disolución da Asociación.
- c) A elección dunha nova Comisión Executiva no suposto de dimisión colectiva da anterior ou acordo de cesamento nos termos previstos nos presentes Estatutos.
- d) Calquera outra cuestión suscitada pola Comisión Executiva ou un 25% dos socios.

Artigo 12º

A convocatoria das Asembleas xerais, tanto ordinaria como extraordinaria, realizarase por escrito, expresando o lugar, día e hora da reunión así como a orde do día fixada pola Comisión Executiva. Entre a convocatoria e o día sinalado para a



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

celebración da Asemblea deberá mediar polo menos dez días.

Artigo 13º

As Asembleas xerais, tanto ordinarias como extraordinarias, quedarán validamente constituídas en primeira convocatoria cando concorran a ela a metade máis un dos socios con dereito a voto, e en segunda convocatoria calquera que sexa o número de socios asistentes. Entre a primeira e a segunda convocatoria debe mediar un tempo non inferior a trinta minutos.

Artigo 14º

As Asembleas xerais serán presididas polo presidente da Comisión Executiva ou, en caso de ausencia, polo vice-presidente.

Artigo 15º

Está no ánimo dos socios/as e así se procurará, que o consenso presida a adopción de decisións. En calquera caso, os acordos da Asemblea xeral, legalmente constituída, que non contradigan a lei nin os presentes estatutos, son de cumprimento obrigado para todos os socios/as. Un socio poderá delegar noutro a súa representación, por escrito e coas debidas garantías de conformidade. As decisións adoptaranse por maioría simple de votos dos asistentes, salvo naqueles supostos en que estatutariamente se esixa unha maioría cualificada ou se dispoña o contrario.

Artigo 16º

Os acordos adoptados pola Asemblea Xeral de socios/as, deberán documentarse nun Libro de Actas debidamente dilixenciado coas sinaturas do Presidente e do Secretario da Comisión Executiva.

Da Comisión Executiva

Artigo 17º

A Comisión Executiva é o órgano de goberno e de administración da Asociación. Está integrada polos socios que ostentan os cargos de Presidente, Vice-presidente, Secretario/a, Tesoureiro/a e cinco vocais.



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

Artigo 18º

Os cargos da Comisión Executiva renovaranse en todo caso despois de cada convocatoria de eleccións locais e dentro dos catro meses seguintes á constitución dos Concellos.

A Comisión Executiva que cesa propondrá unha nova candidatura á Asemblea se ben se poderá presentar unha lista alternativa cando estea apoiada e avalada polo 20% dos socios titulares.

Cada mandato dura catro anos e todos os cargos son gratuítos e renovables.

Artigo 19º

1. Se durante o ano se produce algunha vacante na Comisión Executiva, esta pode cubrirse provisionalmente pola propia Comisión, entre os seus membros, ata a primeira Asemblea Xeral que se celebre, quen decidirá sobre a provisión da vacante ata que se produza a renovación colectiva da Comisión Executiva.

2. No suposto de dimisión colectiva, procederase a unha nova elección mediante a convocatoria dunha Asemblea Xeral extraordinaria convocada con este único asunto na orde do día. A Comisión Executiva dimitida continuará en funcións ata a celebración da citada Asemblea Xeral extraordinaria.

3. Os cargos cesarán na súa función por: falecemento da persoa física ou extinción da persoa xurídica, renuncia voluntaria, transcurso do prazo para o que foron elixidos, acordo de cesamento de toda a Comisión Executiva adoptado por $\frac{3}{4}$ dos asociados reunidos en Asemblea Xeral Extraordinaria convocada para tal efecto.

A renuncia e o transcurso do prazo non dan lugar ó cese automático, senón que se deberá facer un efectivo traspaso de poderes con entrega de documentación e posta ó día do sucesor.

Artigo 20º

1. A Comisión Executiva reúne-se cando menos unha vez cada mes previa convocatoria do Presidente/a. A convocatoria deberá realizarse cun mínimo de cinco días de antelación e con expresión da orde de asuntos a tratar. Tamén poderá reunirse extraordinariamente a petición da terceira parte dos seus membros. Neste caso, o Presidente debe convocala nun prazo non superior ós cinco días naturais



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

seguintes á solicitude e debe celebrarse nun prazo máximo de 15 días.

2. Poderán asistir ás reunións da Comisión Executiva en calidade de invitados, con voz e sen voto, aquelas persoas ou entidades colaboradoras que a xuízo da Comisión resultara de especial interese a súa presenza.

3. As reunións abriranse cando así o determine o Presidente. Seguidamente se procederá por parte do secretario á lectura do acta da xuntanza anterior, que deberá ser aprobada. Posteriormente, o secretario procederá a presentar a orde do día. Cada punto será informado polo membro da Comisión Executiva que lle corresponda, procedéndose ó debate e a aprobación dos correspondentes acordos nos termos contidos nestes estatutos, segundo a materia de que se trate.

Artigo 21º

A Comisión Executiva queda validamente constituída cando concorren á reunión polo menos a metade máis un dos seus compoñentes. Para que os acordos sexan válidos deberán ser adoptados pola maioría de votos dos asistentes. Os acordos documentaranse no libro de actas, coa sinatura dos membros asistentes.

Artigo 22º

A Comisión Executiva exerce as seguintes atribucións:

- a) Aplicar e interpretar os Estatutos.
- b) Convocar as Asembleas Xerais.
- c) Executar os acordos das Asembleas xerais, tanto ordinarias como extraordinarias.
- d) Levar a dirección das contas, formalizar o balance e formular o presuposto para sometelo á votación da Asemblea.
- e) Elaborar a memoria do exercicio, así como propoñer as liñas de actuación a presentar á Asemblea xeral para o seu estudo e pronunciamento.
- f) Abrir, manter e cancelar contas correntes en bancos ou establecementos de creto.
- g) Formalizar os oportunos contratos, convenios e demais actos necesarios para a actividade da Asociación.



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

h) Acordar a contratación e despido do persoal laboral e designar no seu caso, a persoa que deba ocupar o cargo de xerente. O xerente ten a función de executar as decisións da Comisión Executiva, en estreita colaboración co seu Presidente. Por tal motivo, estará presente nas reunións da Comisión, con voz pero sen voto.

i) Estudiar a solicitude de entrada de novos socios e comunicarlles a alta se procede.

k) Propoñer á Asemblea xeral a designación de entidades protectoras e colaboradoras da Asociación.

l) Aprobar as bases da convocatoria pública de presentación de proxectos por parte das ONGs.

m) Estudiar e seleccionar os proxectos de cooperación presentados ó Fondo e facer o seguimento dos aprobados.

n) Exercitar en nome da Asociación, as accións que decida a propia Comisión Executiva.

ñ) Resolver todos os asuntos propios da Asemblea xeral que teñan carácter urgente se ben neste caso deberán ser ratificados pola Asemblea xeral na primeira convocatoria que celebre.

Dos órganos unipersoais

Artigo 23º

O/a Presidente/a da Comisión Executiva representa á Asociación perante todos os organismos públicos e oficiais, as entidades privadas e toda clase de persoas físicas e xurídicas. Está facultado para exercer as accións pertinentes en defensa dos dereitos e intereses da Asociación e pode outorgar poderes notariais en favor doutros membros da Comisión Executiva conxunta ou solidariamente, e tamén a avogados e procuradores dos Tribunais, previo coñecemento da Comisión Executiva.

Son as súas funcións:

a) Convocar a Comisión Executiva e presidir as reunións.

b) Moderar e dirixir os debates das Asembleas de socios e da Comisión Executiva.

c) Previo acordo da Comisión pode operar coa banca privada e oficial e coas caixas de aforro, realizando todas as actuacións que a lexislación e a práctica bancaria



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

permite: manter, abrir, dispoñer e cancelar nas citadas institucións todo tipo de contas correntes, de aforro ou de creto e asinar cheques e outros documentos, solicitar saldos e confirmalos ou imputalos.

Artigo 24º

O Vice-presidente/a colabora co Presidente/a no exercicio das súas funcións e substitúeo en caso de ausencia, enfermidade ou vacante.

Artigo 25º

Corresponde ó Secretario/a a redacción das Actas, pasalas ó correspondente libro, dar forma válida ós acordos, expedir certificacións das actas co visto e prace do Presidente, levar un libro rexistro de socios e o arquivo da documentación. En caso de ausencia, será substituído por un dos asistentes soamente a efectos de levantar acta.

Artigo 26º

O/a Tesoureiro/a ten a facultade de facer os cobros e pagos, previa orde do Presidente e responde perante a Comisión Executiva da contabilidade e dos seus xustificantes. Previo acordo da Comisión pode operar coa banca privada e oficial e coas caixas de aforro, realizando todas as actuacións que a lexislación e a práctica bancaria permite: manter, abrir, dispoñer e cancelar nas citadas institucións todo tipo de contas correntes, de aforro ou de creto e asinar cheques e outros documentos, solicitar saldos e confirmalos ou imputalos, e realizar operacións de tesourería.

Artigo 27º

Os Vocais teñen a misión específica que lles encomenda a Comisión Executiva, a Asemblea Xeral ou o Presidente. Poden tamén substituír a outros compoñentes da Comisión nos supostos de ausencia, enfermidade ou vacante, previo acordo da Comisión.

Capítulo Terceiro: Dos asociados/as



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

Artigo 28º

Poderá ser socio do Fondo Galego de Solidariedade calquera persoa xurídica pública ou privada sen ánimo de lucro que comparta os fins de asociación tras o acordo do seu órgano competente.

A solicitude de admisión debe ser formulada polo órgano competente de cada entidade candidata. Na solicitude, debe constar o nome da persoa que ostentará a representación na Asemblea Xeral, así como a expresa aceptación dos Estatutos da Asociación.

A decisión sobre a admisión de socios corresponde á Comisión Executiva e deberá ser posteriormente ratificada pola Asemblea Xeral.

Artigo 29º

Establecése tres tipos de socios dentro da asociación:

a) Socios Titulares. Tódalas entidades locais e provinciais de Galicia que compartan os obxectivos da Asociación e destinen unha partida orzamentaria estable para accións de cooperación e de solidariedade internacional, abonando a cota social anual acordada pola Asemblea xeral. Igualmente poderán formar parte da Asociación outras entidades públicas e privadas sen ánimo de lucro que compartindo os obxectivos da mesma non sexan destinatarios directos das axudas económicas para a cooperación e o desenvolvemento e abonen a cota social anual e/ou a aportación voluntaria na forma en que se estableza en cada caso.

b) Socios Protectores. Aquelas outras persoas xurídicas públicas que compartan os obxectivos da Asociación e aporten a súa axuda. Designaranse como protectores pola Asemblea Xeral da Asociación a proposta da Comisión Executiva ou a petición do 25% dos socios. O período de pertenza das entidades protectoras é dun ano a partir da súa achega, pero continuará por anos sucesivos se perduran as mesmas condicións.

c) Socios Colaboradores. Aquelas persoas xurídicas privadas sen ánimo de lucro que compartan os obxectivos da Asociación, non sexan destinatarios directos das axudas económicas para a cooperación e o desenvolvemento e que lle dediquen anualmente a súa axuda aínda que sexa sen achega económica fixa. Son designados como colaboradores pola Asemblea xeral da Asociación a proposta da Comisión Executiva ou a petición do 25% dos socios. Igualmente a Asemblea Xeral



Estatutos do Fondo Galego de Cooperación e Solidariedade

(segundo a modificación aprobada en Asemblea Xeral Extraordinaria o 10 de decembro de 2010)

está facultada para retirarlle esta condición.

Artigo 30º

Son dereitos dos socios ademais dos establecidos na lei, os seguintes:

- a) Ter voz nas reunións da Asemblea xeral na forma que se especifica nestes Estatutos.
- b) Participar na vida da Asociación e recibir información sobre os acordos e as actividades que organice ou promova.
- c) Desfrutar de todas as vantaxes e beneficios que a Asociación poida conseguir.

Artigo 31º

Son obrigas dos socios ademais das establecidas na lei as seguintes:

- a) Observar diligentemente os acordos validamente adoptados polos órganos da Asociación.
- b) Colaborar na difusión da Asociación e no cumprimento dos seus obxectivos.
- c) Atender os compromisos de contribuír economicamente á Asociación na forma e contía acordada pola Asemblea Xeral.
- d) Exercer activamente as responsabilidades conferidas polos órganos da Asociación.

Artigo 32º

Son dereitos específicos dos socios titulares:

- a) Ter voto nas Asembleas Xerais.
- b) Elixir e ser elixido para ocupar cargos na Comisión Executiva.

Artigo 33º



Estatutos do Fondo Galego de Cooperación e Solidariedade
(segundo a modificación aprobada en Asemblea Xeral Extraordinaria o 10 de decembro de 2010)

A condición de socio pérdese por:

- a) Incumprimento reiterado no pago da cota social por parte dos socios titulares e ausencia de achega voluntaria no caso de socios protectores e colaboradores.
- b) Separación voluntaria del socio.
- c) Expulsión acordada pola Comisión Executiva e confirmada pola Asemblea Xeral, por incumprimento grave e reiterado das obrigas establecidas no artigo 31.

Capítulo Cuarto: Do patrimonio e das finanzas

Artigo 34º

Os recursos económicos dos que se vale a Asociación para realizar as súas actividades son:

- a) as cotas que a Asemblea xeral decida que deben ser abonadas polos socios de pleno dereito, protectores ou colaboradores.
- b) as subvencións de organismos oficiais, entidades ou particulares.
- c) as doazóns a título gratuito, legados e herdanzas.
- d) O importe das derramas ou dereitos de entrada que estableza a Asemblea Xeral.
- f) calquera outro tipo de ingreso lícito que se adapte ós fins da Asociación.

Artigo 35º

Os socios poderán optar por destinar as súas achegas a un proxecto concreto dos que a Asociación asumiu como propios.

Artigo 36º

Para atender os custes de funcionamento da Asociación e o seguimento da execución dos proxectos, a Asemblea Xeral ordinaria fixará unha porcentaxe



Estatutos do Fondo Galego de Cooperación e Solidariedade
(segundo a modificación aprobada en Asemblea Xeral Extraordinaria o 10 de decembro de 2010)

máxima sobre o presuposto total da entidade.

Artigo 37º

1. A Comisión Executiva elaborará un presuposto anual, coincidente co ano natural, equilibrado en ingresos e gastos. Se unha vez iniciado o exercicio económico non se aprobou o presuposto correspondente consideraranse automaticamente prorrogados os presupostos do exercicio anterior. A prórroga non afectará ás dotacións económicas daqueles programas que deberan concluír no exercicio anterior ou que se financiaran con ingresos extraordinarios.

2. Calquera membro da Asociación pode solicitar e obter un exemplar dos presupostos anuais e acceder en todo momento ós libros de contabilidade da Asociación.

Artigo 38º

O patrimonio inicial ascende a 18.000 euros. O patrimonio social será o que determinen en cada momento os seus libros e estados contables.

Artigo 39º

O exercicio asociativo e económico será anual coincidindo co ano natural, comezando polo tanto o 1 de xaneiro e rematando o 31 de decembro.

Artigo 40º

A documentación social estará composta por:

a) Relación de socios.

b) Libros contables.- que resulte de la aplicación das normas de adaptación do Plan Xeral de Contabilidade ás entidades sen fins lucrativos, contidas no anexo I do Real Decreto 776/1998, de 30 de abril ou calquera outra que a substitúa.

c) Inventario de bens.

d) Libro de Actas da Xunta Directiva.

e) Libro de Actas da Asemblea.



Estatutos do Fondo Galego de Cooperación e Solidariedade
(segundo a modificación aprobada en Asemblea Xeral Extraordinaria o 10 de decembro de 2010)

Capítulo Quinto: Da disolución da Asociación

Artigo 41º

Artigo 41º

A Asociación soamente poderá disolverse por:

- a) Sentenza xudicial firme.
- b) Por acordo da Asemblea xeral extraordinaria, convocada a este efecto e co voto favorable dos 2/3 dos socios titulares presentes ou representados.
- c) Por imposibilidade de cumprimento dos fins sociais.

A liquidación da Asociación practicarase por unha Comisión Liquidadora nomeada pola Comisión Executiva da Asociación e que se responsabilizará de efectuar as dilixencias oportunas ante os organismos que proceda.

O patrimonio resultante en caso de disolución destinarase na súa totalidade a algunha das entidades consideradas como entidades beneficiarias do mecenado aos efectos previstos nos artigos 16 a 25, ambos incluídos, da Lei 49/2002, de 23 de decembro, de réxime fiscal das entidades sen fins lucrativos e dos incentivos fiscais ao mecenado e que, preferentemente, estean dedicadas á realización de fins de interese xeral análogos aos da presente asociación.

Disposición adicional

PRIMEIRA. Despois da constitución das Corporacións como consecuencia da celebración dos comicios locais, os socios que ostenten un cargo na Comisión Executiva pasan a actuar en funcións e por un período non superior a 4 meses. Durante este tempo, o Presidente de cada entidade asociada pode tamén substituír a persoa que ostenta a representación do asociado.




Estatutos do Fondo Galego de Cooperación e Solidariedade
(segundo a modificación aprobada en Asemblea Xeral Extraordinaria o 10 de decembro de 2010)

Disposición transitoria

Os regulamentos e normas aprobadas ata a data para a aplicación e desenvolvemento dos Estatutos da Asociación continuarán en vigor en tanto non se proceda, no seu caso, á súa modificación para a adecuación ó ordenamento xurídico vixente, se ben entenderanse derogados e teranse por non postos tódolos preceptos que puidesen resultar contrarios á vixente Lei Orgánica 1/2002, reguladora do Dereito de Asociación, ou ós presentes Estatutos.



Alfredo Novoa Gil
34530955C



Xulio Ríos Paredes
76804105K



Mª Concepción López Fernández
32783644L



Ángeles Silva González
36115412F



Pilar Gallego Cid
34942898X



Carmen Basadre Vázquez
33834265T



María Xosé Méndez Piñeiro
35252900H



Isabel Rodríguez López
34246701T



Moisés Blanco Paradelo
76708908K






REGISTRO CENTRAL DE ASOCIACIONES
ESTATUTOS VISADOS

Mediante a presente, eu D. Xulio Ríos Paredes, con DNI 76804105K, secretario do FONDO GALEGO DE COOPERACIÓN E SOLIDARIEDADE, CIF G 15629629 e domicilio social en Rúa Varsovia, 4 C - 6ª plta. (Área Central – Santiago de Compostela) fago constar que os presentes estatutos son os aprobados en Asamblea Xeral Extraordinaria de 10 de decembro de 2010 e que modificaron, no seu artigo nº 41º a anterior redacción rexistrada con data 06 de agosto de 2004

En Santiago de Compostela, a 05 de xullo e 2.011



Xulio Ríos Paredes

Secretario do Fondo Galego de Cooperación e Solidariedade



XUNTA DE GALICIA
CONSELLERÍA DE PRESIDENCIA,
ADMINISTRACIÓN PÚBLICA E XUSTIZA
MODIFICACIÓN DE ESTATUTOS
Quedan VISADOS e incorporados ó Rexistro Central desta
Comunidade Autónoma, nº de Rexistro Asociación 7565-1

Santiago de Compostela

06 OUT. 2011

O/A ENCARGADO/A DO REXISTRO



María Amadora Rodríguez Carreira